


宋元明清傳記
資料叢刊系列

宋
代
傳
記
資
料
叢
刊

本社影印室
輯

北京圖書館出版社



宋元明清傳記
資料叢刊系列

宋代傳記 資料叢刊

本社影印室輯

17

北京圖書館出版社

琬琰集刪存

民國二十七年（一九三八）燕京大學引得編纂
處鉛印本

琬琰集刪存目錄

卷一

趙中令公普神道碑

太宗

韓忠獻公琦兩朝顧命定策元勳之碑

神宗

寇忠愍公準旌忠之碑

孫抃

丁文簡公度崇儒之碑

孫抃

宋景文公祁神道碑

范鎮

王太師珪神道碑

李清臣

韓獻肅公絳忠弼之碑

李清臣

吳武安玠功績記

明庭傑

韓忠武王世忠中興佐命定國元勳之碑

趙雄

吳武順王璘安民保蜀定功同德之碑

王 璘

呂文穆公蒙正神道碑

富 弼

孫威敏公沔神道碑

畢仲游

呂惠穆公公弼神道碑

范 鎮

范忠獻公雍神道碑

范 鎮

卷二

馬忠肅公亮墓誌銘

晏 殊

張樞密奎墓誌銘

富 弼

范文正公仲淹墓誌銘

富 弼

張御史唐英墓誌銘

張商英

石工部揚休墓誌銘

范 鎮

宋諫議敏求墓誌銘

范 鎮

司馬文正公光墓誌銘

范鎮

王尙書陶墓誌銘

范鎮

鮮于諫議侁墓誌銘

范鎮

孫學士洙墓誌銘

李清臣

吳正憲公充墓誌銘

李清臣

王學士存墓誌銘

曾肇

陳少卿希亮墓誌銘

范鎮

彭待制汝礪墓誌銘

曾肇

趙待制開墓誌銘

李燾

唐資政重墓誌銘

劉岑

楊文安公椿墓誌銘

陳良祐

晁太史補之墓誌銘

張耒

劉檢討義叟墓誌銘

范鎮

富秦公言墓誌銘

富弼

韓太保惟忠墓表

李清臣

何廬江隱侯澤墓誌銘

張商英

曾博士易占神道碑

李清臣

張寺丞文蔚墓誌銘

范鎮

曹武惠王彬行狀

李宗諤

王文正公會行狀

富弼

韓忠獻公琦行狀

李清臣

曾舍人鞏行狀

曾肇

曾太師公亮行狀

曾肇

杜御史莘老行狀

查籥

卷三

潘武惠公美傳

實錄

王中書全斌傳

實錄

張文定公齊賢傳

實錄

范忠文公傳跋

劉安世

呂正獻公著傳

實錄

文忠烈公彥博傳

實錄

劉右丞摯傳

實錄

王荆公安石傳

實錄

呂參政惠卿傳

實錄

唐參政介傳

實錄

鄭翰林澥

實錄

吳給事中復

實錄

陳成肅公升之

實錄

呂汲公大防傳

實錄

馮文簡公京傳

實錄

張少保商英傳

實錄

韓侍郎維傳

實錄

蔡忠懷公確傳

實錄

章丞相惇傳

實錄

范直講祖禹傳

實錄

鄒司諫浩傳

實錄

劉諫議安世傳

實錄

曾文肅公布傳

實錄

曾文昭公肇

實錄

王懿恪公拱辰

實錄

韓太保縝傳

實錄

程宗永穎

實錄

程侍講頤

實錄

宋故觀文殿學士太中大夫知建康軍府事兼管內勸農使充江南東路安撫使馬步軍都總管兼營田使兼行宮留守彭城郡開國侯食邑一千六百戶食實封二百戶賜紫金魚袋贈光

祿大夫劉公行狀

劉珩

劉琪諡議

宋若水

劉琪覆諡議

張叔椿

宋故左朝議大夫充徽猷閣待制致仕彭城縣開國子食邑五百戶贈少傅劉公墓誌銘

張枻

故太尉威武軍節度使提舉萬壽觀食邑六千一百戶食實封二千戶隴西郡開國公致仕贈

開府儀同三司李公行狀

張掄

書虞雍公守唐鄆事九文

任夔

王學士昱墓誌銘

滕宗諒

增引得

琬琰集刪存卷第一

趙中令公普神道碑

太宗皇帝御製

唐堯在位聖賢謂之叶符虞舜得人天地以之開泰八方理定千載會昌必旌柱石之林以觀其壯節
鹽梅之寄以濟其和平是故應運握圖明王聖帝受天寶命開國成家無不用忠確間世之臣先輔基
業股肱心膂之士共同甘辛萬代通規一時遭遇保全令德克荷洪勳者其故真定王普之謂矣王姓
趙氏字則平其先顓頊之裔佐禹平水土是謂伯翳帝堯賜姓曰嬴氏造父其後也有功於周穆王受
封於趙周德下衰叔帶去周適晉六卿取晉遂開國焉今爲常山人也王蘊人倫之風槩稟山嶽之儀
形晦而不彰寬而無撓竭其誠志有始有終無善不臧非義勿取頃自我太祖從周世宗南平淮甸水
陸兼行龍虎震威號令始發捷如響應冥契人神是時擒其僞將皇甫暉於滁上王時爲郡之參佐斷
事明敏獄無冤者太祖聞名召見與語深器之洎後太祖仗鉞左馮因辟爲同州節度推官歷滑臺許
田睢陽三鎮從事其在幕府也恭謹長慎盡竭赤誠夜思晝行勿矜勿伐可謂龍吟虎嘯雲起風從如

懷萬頃之陂遭遇承平之運太祖光宅天下龍躍商丘知有佐時之才早定君臣之契擢爲諫議大夫
樞密學士仍頒金紫以榮之是歲上黨帥李筠叛太祖將議親征委之留守調發軍實王以爲聖上躬
擐甲胄臣子宜效驅馳乃陳懇上言乞扈從鸞輅泊中塗進策曰陛下初登寶位應天順人將制驍雄
光耀神武兵機貴速不尙巧遲若倍道兼行掩其倉卒所謂自天而下可一戰而成擒也太祖深納其
言舉兵速進未至高平李筠果擁衆出戰于時靈旗指寇勇士齊心叛帥自焚餘黨就戮旋又維揚帥
李重進苞藏禍心阻抗王命太祖便殿召對問攻取之策王籌其擅修孤壘倚恃長淮而士卒離心資
糧乏絕以順討逆動必成功太祖深然之乃親御六師長驅淮楚不逾數月果致盪平駕迴疇其功賞
階級授金紫加太保充樞密使仍賜功臣之號爰自累代以來朝廷多故諸侯專制兵甲亂常加以僭
僞未平師旅未備餘風未殄思有以革之王以庶務草創深惟遠圖利害靡不言纖微靡不達忠盡其
力言如轉規啟心不疑振舉風俗故得遐邇悅服政令惟新皆其功也乾德中拜門下侍郎同中書門
下平章事因之大用出於流品矣我太宗觀其才智凡事責成旣升近密之權可觀立功之效英聲爲
之間出文物爲之復興勳力同心如石投水固以蕭張讓德姚宋推功魚水之歡未足爲比惟誠惟信

少是非揚歷艱難上副弼諧之任明哲兼濟聿臻命世之才忠順其言純誠克著恢張出之於人表翊戴以助於康平狗公滅私不忌片善用心合道逆耳求知開寶六年太祖以王始佐創業克致昇平伐罪吊民開拓疆土下西蜀平南越擒吳會來北戎威德綏懷無遠不至雲龍際會大道合符十有餘年矣知無不爲甚煩神用務均勞逸以優薰臣尋授太傅佩相印持節河陽泊朕嗣守丕圖勤修庶政腹心之寄中外攸同特授太尉使相如故乃瞻并汾民墜塗炭戎車一駕逆壘宵降旣靜妖氛爰覃爵賞改太子太保增加井賦北連朔嶠東盡海嶠禹穴唐郊盡爲王土朕嘗念往年之舊德褒賞輔弼之殊勳帷幄之謀明於果斷思置之左右前後任之以耳目股肱粵自藩垣入居廊廟久渴弼諧之道更資調燮之能遂徵授守司徒兼侍中昭文館大學士三階已正百度惟貞憂國忘家直亮在意嘗誠諸弟諸子以爲授寵逾分富貴逼身一領名藩再登上相以身許國私家之事吾弗預焉嘗念頃自有密升于宰輔出入三十餘年未嘗爲親屬而求恩澤爾等各宜砥礪無尙吾過故□始至末親黨無居清顯者昔春秋美晉大夫羊舌肸謀而鮮過惠訓不倦王復有焉八年以襄鄧之俗獄訟攸煩惠彼疲民寄之元老下車布政鄉閭阜安事有未便於民者削而去之利於民者舉而行之豪猾畏威鯨鯢懷惠

暨改轅襄漢民之去思如失父母時已得病於南陽經年未差就移漢水重鎮便藩常思報主之誠每懷憂國之志迺心王室時有箴規上表引唐姚元崇十事陳古今治亂之由極人臣獻納之意與懷慷慨詞甚激切揣摩時事居安慮危此又其忠蓋也朕以歷代□田其禮久廢勸農務本其可忽諸乃命有司舉行舊典改元布慶帝載惟熙造膝沃心惠我耆德而王久違宸扆思拜闕庭旣累進於直言宜再踐於寢□復授守太保兼侍中昭文館大學士登雲霄之上位擢列辟之崇資燭幽明而無怠無荒報恩榮而可大可久刑政之務知無不爲功績播於謀猷羣庶謂之明哲獻替之職□事皆通不憚劬勞夙夜匪懈可以傳聞清世書於簡編而連歲之間風疹類發願避賢良之路乞歸閑散之官朕以勳舊之臣方深倚注命駕臨問涕泣興言齒髮雖衰疴瘵未退荷天之寵力所不任特授太保兼中書令洛陽留守又經歲疾勢轉深上表堅乞退避以禳災眚勉強誨諭志不可奪乃冊拜守太師進封魏國公就便頤養太醫中使不絕於路願望有瘳別加殊渥豈期美疹遽至彌留以淳化二年七月十四日薨於洛陽之私第享年七十有一朕覽表驚嗟悲慟累日不得巫祝桃茆親臨其喪褰服舉哀輟視朝五日遣右諫議大夫范杲持節策贈尙書令追封真定王特賜諡曰忠獻吊祭賙贈之數並令加等以

盡君臣之禮焉二年二月命有司備兩窆葬於洛陽北邙之原而合祔焉嗚呼梁木斯壞哲人云萎若濟巨川予將安寄王性本俊邁幼不好學及至晚歲酷愛讀書經史百家常存几桉強記默識經目誦心碩學老儒宛有不及旣博達於今古尤雅善於談諧馬伏波詞辯分明杜征南手不釋卷見事而敏抱器自然壯志無窮日新其德許國常存於懷抱令譽以至於宏彰其爲子也孝養于親動不違禮友愛於昆弟嚴慈於子孫其仕於公也奢儉酌中貞純許國名器能守謙卑益光茂德崇勳輝映朝列寵遇之盛今古罕聞自再入廟堂時陳規諫負荷重寄常懷啓沃之心竭力輸忠以待公家之事有萬石之周慎孔光之謹密管葛之智略房杜之經綸舉而兼之斯爲全德朕於早歲嘗與周旋而節操有恒始終無玷荷台鉉之任處輔弼之私旣集大勳荐膺典冊紀其功烈宜在旂常昔唐虞之得臯夔夏商之任虯益有周以闕散佐佑炎漢以蕭曹弼諧用能寅亮帝謨緝熙庶績儔庸比德今其勝哉天不慙遺予何自律是邁跡其景行昭之鼎彝昭巨範於將來庶令名之不朽銘曰應運開國股肱任賢委以心腹操執彌堅實猶令德王佐周旋裨贊明聖厥位名傳信之得人□言柱礎魚水同心君臣盛美夜寐夙興有終有始進思盡忠見義從矣退思補過器識安閒攀龍附鳳備歷艱難縱橫志大接對溫顏

官崇荐陟善惡之間近密公朝與奪非類稟性懷柔區別利害踐揚貴職綽有奇才經綸宏異學識通赫赫皇猷恭恭近侍任以機權寵彰名器啓沃王命業茂勳崇南征北伐平盪姦雄日侍冕旒情僞明察假仗元威好生惡殺若聞誼駭事不怙堪爲國重制斷臨時性直如繩酌中如砥孝悌於家簡編信史惟公之德間代英靈非義不理庶務乃馨積善寅緣敦厚必顯文教潛敷聲聞自遠殊勳表信追思念功素推臣節澤被無窮奇士挺生民安俗阜允洽克從禮讓規矩悲風颭颭夜杳冥冥咨嗟永隔精魄長局喪此貞純曷終暮景魂影已沉去路斯永廟堂師傅丘壠幽泉勒銘翠琰不勝潸然

兩朝顧命定策元勳之碑

神宗皇帝御製

熙寧八年六月甲寅定策元勳之臣永興軍節度使守司徒兼侍中魏國公判相州韓琦薨訃來京師朕遽然追慟若不勝詔輟視朝三日贈尙書令配享英宗廟庭七月癸酉成服于苑中哭之慟又勅入內都知利州觀察使張茂則往護喪事於是其孤忠彥上公勳德之狀于有司已而集議尙書省皆以謂諡公忠獻無以易朕念旣葬而墓隧之碑未立嘗攷大雅烝民之詩雖美宣王之德而寔大山市之功肇其所生與其所施及乎進止威儀衣服車馬之盛莫不與民詠誦之以慰山甫之心可謂至矣蓋